



**TOSHKENT DAVLAT YURIDIK UNIVERSITETI REKTORINING  
BUYRUG' I**

---

25.03.2022 yil

65 um-son

**Toshkent davlat yuridik universiteti ta'lim-tarbiya  
jarayonlariga oid muhim qarorlar qabul qilishda  
talabalarning ishtirokini yanada kengaytirish to'g'risida**

O'zbekiston Respublikasining "Ta'lim to'g'risida"gi Qonuni, O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmoniga muvofiq, shuningdek Toshkent davlat yuridik universiteti faoliyatini samarali tashkil etish jarayonida talaba-yoshlarning faol ishtirokini ta'minlagan holda universitetning boshqaruvida ochiqlik, oshkoralik, odillik va halollikni ta'minlash maqsadida

**BUYURAMAN:**

**1. Quyidagilar:**

Toshkent davlat yuridik universiteti (bundan buyon matnda – universitet) bir guruh tashabbuskor talabalarining universitetda hamda Talabalar turar joyida Talabalar kengashi (keyingi o'rinda – Talabalar kengashi) faoliyatini tashkil etish to'g'risidagi taklifiga rozilik berilsin;

Universitet ta'lim-tarbiya jarayonlariga oid muhim qarorlar qabul qilishda talabalarining ishtirokini yanada kengaytirishga alohida e'tibor qaratilsin.

**2. Universitet faoliyatining quyidagi yo'nalishlari bo'yicha**

faoliyat yurituvchi ishchi guruh, komissiyalar, kengashlar va tashkiliy qo'mitalar (keyingi o'rinlarda - ishchi guruh)ga talabalar a'zo yoki kuzatuvchi sifatida ishtirok etishi mumkinligi belgilab o'tilsin:

talabalarni turar joy bilan qamrab olish hamda ularga turar joy to'lovlarini to'lash bilan bog'liq masalalarda - ishchi guruh a'zolarining teng yarmi miqdorida;

talabalarni rag'batlantirish va ularni moddiy qo'llab-quvvatlash bilan bog'liq masalalarda - ishchi guruh a'zolarining teng yarmi miqdorida;

talabalarga intizomiy chora ko'rish bilan bog'liq masalalarda - ishchi guruh a'zolarining teng yarmi miqdorida;

universitetda yaratilgan sharoitlar bilan bog'liq masalalarda - ishchi guruh a'zolarining teng yarmi miqdorida;

o'quv jarayoni va ta'lim sifatini baholash bilan bog'liq masalalarda - ishchi guruh a'zolarining uchdan bir qismi miqdorida;

talabalarining darsdan bo'sh vaqtlarini mazmunli o'tkazish bilan bog'liq masalalarda - ishchi guruh a'zolarining teng yarmi miqdorida.

3. Belgilab qo'yilsinki, universitet faoliyat yo'nalishlari bo'yicha tashkil etiladigan ishchi guruhlari a'zolariga talabalar orasidan nomzodlar 2-bandda belgilangan tartibda Talabalar kengashi tomonidan tavsiya etiladi.

Bunda tavsiya etiladigan talabalar gender tengligiga amal qilgan holda universitet ijtimoiy hayotida faol hamda o'zlashtirish ko'rsatkichi qoida tariqasida 80 foizdan yuqori bo'lishiga e'tibor qaratilishi tavsiya etilsin.

4. Yoshlar masalalari va ma'naviy-ma'rifiy ishlar bo'yicha prorektor hamda rektor maslahatchisi Talabalar kengashini tashkil etish va uning faoliyat yuritishi borasida talabalar bilan hamkorlikda ish olib boradi.

Bunda universitet va TTJ talabalar kengashi nizomi, uning tarkibidagi tuzilmalar soni, ularning vazifa va maqsadlarini belgilash, ularga a'zolik kabi tashkiliy masalalar to'liq Talabalar

kengashi ixtiyoriga havola qilinadi.

5. Yoshlar masalalari va ma'naviy-ma'rifiy ishlar bo'yicha prorektor A.Xashimhonov:

Talabalar kengashi faoliyati bo'yicha talabalar o'rtasida keng tushuntirish va targ'ibot ishlarini olib borilishini tashkil etsin;

10 kun muddatda universitetda va Talabalar turar joylarida Talabalar kengashi faoliyatini tuzish, Talabalar kengashining ta'sis (umumiy) yig'ilishini o'tkazish hamda umumiy yig'ilishda Talabalar kengashi raisini saylash borasidagi tegishli ishlarni hamkorlikda amalga oshirsin;

Talabalar kengashi o'z faoliyatini munosib olib borishlari uchun zarur shart-sharoit va imkoniyatlarni yaratish choralari ko'rsin hamda ularga barcha zarur uslubiy ko'mak ko'rsatsin;

Talabalar kengashi raisini universitet jamoasi (xodim va talabalar)ga tanishtirib, uning faoliyat yo'nalishlarini, barcha tarkibiy bo'linmalar bilan hamkorlikda ish olib borishi bo'yicha ma'lumotni xodimlarga yetkazilishini nazorat qilsin.

6. Talabalar kengashi raisiga jamoatchilik asosida universitet rektorining talabalar bo'yicha maslahatchisi maqomi berilsin hamda unga to'g'ridan-to'g'ri universitet kengashining a'zosi sifatida kengash yig'ilishlarida ishtirok etish huquqi berilsin.

Shu bilan birga Talabalar kengashining yana 3 nafar faol a'zosiga Universitet kengashi yig'ilishlariga kuzatuvchi sifatida ishtirok etish huquqi berilsin.

7. Fakultet dekanlari:

ta'lim va tarbiya jarayonini samarali tashkil etish, talabalarni turli yot g'oyalar ta'siridan asrash, bilim darajasini, o'qishga bo'lgan qiziqishini oshirish borasidagi ishlarni samarali tashkil qilish maqsadida Talabalar kengashi bilan yaqindan hamkorlik qilsin;

mazkur buyruq mazmun-mohiyatini talabalar orasida keng targ'ib qilish hamda tushuntirish ishlarini olib borish choralari ko'rsin.

8. Monitoring va tashkiliy nazorat boshqarmasi (D. Maxkamov), Yuridik byuro (E.Xosilov) hamda Ma'naviyat va ma'rifat markazi (Sh.Po'latov):

bir oy muddatda tegishli tarkibiy bo'linmalar bilan birgalikda universitet faoliyati bilan bog'liq ilovaga muvofiq avval tasdiqlangan ishchi guruhlar, tashkiliy qo'mitalar va boshqa komissiyalarni tasdiqlash bo'yicha qabul qilingan buyruqlarga belgilangan tartibda o'zgartirish va qo'shimchalar kiritish choralarini ko'rsin;

universitet faoliyati yuzasidan tuziladigan ishchi guruhlariga mazkur buyruqning 2-bandida belgilangan faoliyat yo'nalishlari bo'yicha talabalarni ishtirok etishini nazoratga olsin.

9. "Elektron universitet" markazi (A.Karimov) universitet faoliyati bilan bog'liq ishchi guruhlar yig'ilishlarini o'tkazish hamda ushbu jarayonlarni onlayn translatsiya qilishga mo'ljallangan elektron platforma yaratish choralarini ko'rsin.

10. Mazkur buyruq ijro nazoratini o'z zimmamda qoldiraman.

**Rektor**



**A.TASHKULOV**

Toshkent shahar

**Kiritildi:**

Direktor

SH.PO'LOTOV



**Kelishildi:**

YOshlar masalalari va ma'naviy-  
ma'rifiy ishlar bo'yicha prorektor

A.XASHIMHONOV



Katta yuriskonsult

E.XOSILOV



Devonxona mudiri

X.ABDULLAYEV



**Buyruq bilan tanishdim:**

SH.PO'LOTOV



**Toshkent davlat yuridik universiteti faoliyat yo'nalishlari bo'yicha yo'lga  
qo'yilgan ishchi guruhlariga talabalarining qamrovini oshirish yuzasidan  
JADVAL**

T/r	Ishchi guruh nomi	Tasdiqlangan buyruq raqami	Talabalarni qamrab olish darajasi
<b>Tashkiliy-boshqaruv yo'nalishida</b>			
1.	Toshkent davlat yuridik universiteti kengashi	Universitet rektorining 2021-yil 11-apreldagi 08-125-son buyrug'i	Talabalar kengashi raisi kengash a'zosi sifatida hamda 3 nafar faol talaba kuzatuvchi sifatida
2.	Ommaviy huquq fakulteti kengashi	Universitet rektorining 2021-yil 14-apreldagi 08-86-son buyrug'i	A'zolarining teng yarmi miqdorida
3.	Xususiy huquq fakulteti kengashi	Universitet rektorining 2021-yil 14-apreldagi 08-86-son buyrug'i	A'zolarining teng yarmi miqdorida
4.	Jinoiy odil sudlov fakulteti kengashi	Universitet rektorining 2021-yil 14-apreldagi 08-86-son buyrug'i	A'zolarining teng yarmi miqdorida
5.	Xalqaro huquq va qiyosiy huquqshunoslik fakulteti kengashi	Universitet rektorining 2021-yil 14-apreldagi 08-86-son buyrug'i	A'zolarining teng yarmi miqdorida
6.	Magistratura va sirtqi ta'lim fakulteti kengashi	Universitet rektorining 2021-yil 14-apreldagi 08-86-son buyrug'i	A'zolarining teng yarmi miqdorida
<b>O'quv jarayonini tashkil etish va ta'lim sifatini oshirish jarayonida</b>			
7.	O'quv-uslubiy kengashi	Universitet rektorining 2021-yil 29-martdagi 08-70-son buyrug'i	A'zolarining uchdan bir qismi miqdorida
8.	Ta'lim sifati guruhi	Rektor buyrug'i asosida tashkil qilish rejalashtirilgan	2 nafar faol talabani kuzatuvchi sifatida
9.	Talabalar o'qishini ko'chirish komissiyasi	Adliya vazirining 2020-yil 4-noyabrdagi 212-um-son buyrug'i	2 nafar faol talabani a'zo sifatida kiritish
<b>Ma'naviy-ma'rifiy faoliyat yo'nalishida</b>			
10.	Odob-axloq komissiyasi	Universitet rektorining 2021-yil 10-dekabrda 08-334-son buyrug'i	A'zolarining teng yarmi miqdorida
11.	Universitet iqtidorli talabalariga universitet stipendiyasi va ta'lim garantini ajratish bo'yicha komissiya	Universitet rektorining 2021-yil 19-iyuldagi 02-164-son buyrug'i asosida	Fakultet va universitet komissiyalariga a'zolarining teng yarmi miqdorida
12.	G'afur G'ulom hayoti va ijodini chuqur o'rganish hamda targ'ib qilish bo'yicha	Universitet rektorining 2020-yil 4-sentabrdagi 08-	A'zolarining teng yarmi miqdorida

	ijodiy guruh	156-son buyrug'i	
13.	G'afur G'ulom nomidagi maxsus stipendiya hamda ko'krak nishoni ajratish bo'yicha komissiya	Universitet rektorining 2021-yil 20-apreldagi 02-99-son buyrug'i	A'zolarining teng yarmi miqdorida
14.	Ijara huquqi asosida yashayotgan talabalar tomonidan to'lanadigan ijara to'lovlarini qoplab berish bo'yicha komissiya	Universitet rektorining 2021 yil 30-sentyabrdagi 08-271-son buyrug'i	A'zolarining teng yarmi miqdorida
15.	Toshkent davlat yuridik universiteti stipendiya komissiyasi	Universitet rektorining 2020-yil 11-sentabrdagi 02-116-son buyrug'i	A'zolarining teng yarmi miqdorida hamda komissiya raisi o'rinbosari talabalar kengashi raisi
16.	Ota-onasi yoki ularning biridan ayrilgan muhtoj qizlar va boquvchisi yo'q yolg'iz ayollar moddiy jihatdan qo'llab-quvvatlash bo'yicha komissiya	Universitet rektorining 2021-yil 7-oktyabrdagi 08-280-son buyrug'i	A'zolarining teng yarmi miqdorida
17.	Ma'naviyat va ma'rifat kengashi tarkibi	Universitet rektorining 2021-yil 4-fevraldagi 08-22-son buyrug'i	A'zolarining teng yarmi miqdorida
18.	Talabalar turar joyiga talabalarni joylashtirish bo'yicha komissiya	Universiteti rektorining 2021 yil 6-sentyabdagi 08-243-son buyrug'i	A'zolarining teng yarmi miqdorida hamda komissiya raisi o'rinbosari talabalar kengashi raisi
19.	"Islahotlar bilimdoni" keng tarmoqli respublika ilmiy-ma'rifiy ko'rik-tanlovi bo'yicha ishchi guruh tarkibi	Universitet rektori tomonidan tasdiqlangan jadval	A'zolarining uchdan bir qismi miqdorida
20.	"100 ta eng yaxshi g'oya" tanlovi uchun kelib tushgan ishlarni baholash bo'yicha ishchi guruh tarkibi	Universitet rektori tomonidan tasdiqlangan jadval	A'zolarining uchdan bir qismi miqdorida
21.	"Yil talabasi" respublika tanlovida universitet bosqichi g'oliblarini aniqlash bo'yicha universitet komissiyasi tarkibi	Universitet rektorining 2021-yil 17-noyabrdagi 02-331-son buyrug'i asosida	A'zolarining teng yarmi miqdorida hamda komissiya raisi o'rinbosari talabalar kengashi raisi
22.	"Uchinchi renessans – yoshlar nigohida" tanlovining universitet bosqichida kelib tushgan ishlarni baholash bo'yicha hakamlar hay'ati tarkibi	Universitet rektorining 2022-yil 8-fevraldagi 18-um-son buyrug'i	A'zolarining uchdan bir qismi miqdorida
23.	Yoshlar bilan "mahallabay" ishlash tizimini samarali tashkil etish universitet shtabi	Universitet rektorining 2021 yil 12 maydagi 08-127- son buyrug'i	A'zolarining uchdan bir qismi miqdorida
24.	Xotin-qizlar masalalari bo'yicha maslahat kengashi tarkibi	Universitet rektorining 2022-yil 7-yanvardagi 08-1-son buyrug'i	A'zolarining uchdan bir qismi miqdorida
<b>Ilmiy ishlar va innovatsiyalar yo'nalishida</b>			
25.	Ilmiy-uslubiy kengash	Universitet rektorining 2020-yil 11-sentabrdagi 07-19-son buyrug'i	3 nafar faol talaba kuzatuvchi sifatida ishtirok etadi
26.	Yosh olimlar kengashi	Universitet rektorining 2019-yil 1-apreldagi 08-153-son buyrug'i	A'zolarining uchdan bir qismi miqdorida
27.	Innovatsion kengash		A'zolarining uchdan bir

			qismi miqdorida
<b>Xalqaro hamkorlik yo‘nalishida</b>			
28.	Akademik mobillik dasturiga talabalarni saralash bo‘yicha komissiya	TDYU kengashining 2021-yil 31-martdagi 5-son yig‘ilish bayonnomasi	A‘zolarning uchdan bir qismi miqdorida
<b>Moliya-xo‘jalik faoliyatini yo‘nalishida</b>			
29.	Universitetning xarid komissiyasi	Universitet rektorining 2022-yil 11-fevraldagi 22-um-son buyrug‘i	A‘zolarning uchdan bir qismi miqdorida
30.	Loyiha doirasida tovarlar (ishlar, xizmatlar)ni xarid qilish bo‘yicha xarid komissiyasi	Universitet rektorining 2021-yil 10-martdagi 08-51-son buyrug‘i	A‘zolarning uchdan bir qismi miqdorida
31.	Universitet ehtiyojlari uchun xarid qilinayotgan tovarlarni qabul qilish komissiyasi	Universitet rektorining 2022-yil 11-fevraldagi 24-um-son buyrug‘i	A‘zolarning uchdan bir qismi miqdorida
32.	Ijtimoiy sug‘urta bo‘yicha komissiya	Universitet rektorining 2021-yil 30-martdagi 08-72-son buyrug‘i	A‘zolarning uchdan bir qismi miqdorida